

## ՀԱՇՎԵՏՎՈՒԹՅՈՒՆ

### Իտալիայի Հանրապետություն (Թուրին) գործուղման արդյունքների վերաբերյալ

#### 1. Անունը, ազգանունը, զբաղեցրած պաշտոնը.

- Տաթևիկ Միքայելյան, Աշխատանքի և սոցիալական հարցերի նախարարության կենսաթոշակային ապահովության և այլ դրամական վճարների վարչության կենսաթոշակային ապահովության և այլ դրամական վճարների բաժնի պետ,
- Գայանե Բարսեղյան, Աշխատանքի և սոցիալական հարցերի նախարարության ժողովրդագրության և ընտանիքի սոցիալական երաշխիքների վարչության ինտեգրված սոցիալական ծառայությունների բաժնի պետի ժամանակավոր պաշտոնակատար,
- Արփինե Սարգսյան, Աշխատանքի և սոցիալական հարցերի նախարարության աշխատանքի և զբաղվածության վարչության աշխատանքի և աշխատանքի վարձատրության քաղաքականության բաժնի գլխավոր մասնագետ,
- Նաիրա Խաչատրյան, Աշխատանքի և սոցիալական հարցերի նախարարության կառուցվածքային ստորաբաժանումներում առանձին գործառույթներ համակարգող խորհրդական:

#### 2. Գործուղման վայրը և ժամկետները.

Իտալիայի Հանրապետություն (Թուրին), 2026 թվականի հունիսի 7-13-ը:

#### 3. Հրավիրող կողմը.

Միջոցառումը կազմակերպել են Աշխատանքի միջազգային կազմակերպությունը և ՄԱԿ-ի մանկական հիմնադրամը՝ Սոցիալական պաշտպանության ոլորտի թվային փոխակերպմանը նվիրված դասընթացին մասնակցելու նպատակով:

#### **4. Գործուղման նպատակը.**

Մասնակցություն «Սոցիալական պաշտպանության ոլորտի թվային փոխակերպում» դասընթացին՝ նպատակ ունենալով խորացնել գիտելիքները հետևյալ բնագավառներում՝

- թվային փոխակերպման հիմնական սկզբունքներ
- թվային փոխակերպման իրավական և կարգավորող շրջանակ
- ծառայությունների նախագծում և նորարարական լուծումներ
- գործառնական համակարգեր և տեղեկատվական ռեսուրսներ:

#### **5. Քննարկված թեմաները.**

Դասընթացի ընթացքում քննարկվել են հետևյալ հիմնական թեմաները՝

- թվային փոխակերպում
- փոխգործունակություն
- իրավական շրջանակներ
- մարդու իրավունքներ և հաշվետվողականություն
- տվյալների պաշտպանություն և գաղտնիություն
- կիբեռանվտանգություն
- մարդակենտրոն լուծումների մշակում
- ծառայությունների նախագծում
- կառավարում և նորարարություններ
- գործառնական համակարգեր:

#### **6. Հանդիպումները, ելույթները, բարձրացված կամ քննարկված հարցերը.**

Դասընթացի շրջանակներում տեղի են ունեցել հանդիպումներ և մասնագիտական քննարկումներ դասընթացի կազմակերպիչների, միջազգային խորհրդատուների և մասնակից երկրների պետական կառույցների ներկայացուցիչների հետ:

Քննարկված հիմնական հարցերը վերաբերում էին՝

- սոցիալական պաշտպանության ոլորտի թվային փոխակերպման գործընթացների պլանավորման և իրականացման հիմնական մոտեցումներին,
- պետական տեղեկատվական համակարգերի միջև տվյալների փոխանակման մեխանիզմներին,
- թվային կառավարման ոլորտը կարգավորող օրենսդրական հիմքերին, թվային ծառայությունների մատուցման իրավական պահանջներին,
- անձնական տվյալների մշակման սկզբունքներին, տվյալների պաշտպանության միջազգային չափանիշներին, տեղեկատվության անվտանգ պահպանման և օգտագործման մեխանիզմներին,
- կիրառական տեխնոլոգիաների կառավարման մեխանիզմներին,
- պետական կառավարման ոլորտում նորարարական լուծումների ներդրման հնարավորություններին:

## **7. Դասընթացի ժամանակ ընդունված որոշումները, պայմանավորվածությունները, ստորագրված փաստաթղթերը.**

Դասընթացի արդյունքում որոշումներ չեն ընդունվել, պայմանավորվածություններ ձեռք չեն բերվել, փաստաթղթեր չեն ստորագրվել:

## **8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Մշակել և ոլորտային քաղաքականություններում ներառել սոցիալական պաշտպանության ոլորտի թվային փոխակերպման սկզբունքները՝ դրանք դիտարկելով որպես ոլորտի զարգացման առաջնահերթություններ:

**9. Ստորագրությունը, ամսաթիվը:**

Տաթևիկ Միքայելյան

17.06.2026

Գայանե Բարսեղյան

17.06.2026

Արփինե Սարգսյան

17.06.2026

Նաիրա Խաչատրյան

17.06.2026